



Herren syner seg for Abraham i Mamre, 1.Mos.18.1 flg. Bysantinsk ikon frå slutten av 15.årh.

DEN STORE LOVSONGEN

AGENDE FOR FEIRING AV DEN HEILAGE MESSA¹

Jesus, stem mitt svake hjerte,
stem min tunge, sjel og ånd,
så jeg synger om din smerte,
stem meg med din egen hånd,
så din død den være må
alt hva sjelen nynner på,
og jeg dødens velde tvinger
mens jeg om din seier synger.

KINGO, NOS 142, V.6

1 Framlegg til Messebok for prestegjeld, sokn og kyrkjelydar som vil halda fast på klassisk kristen tru og kristent liv. Versjon 01.12.2012.

Kjelder: Altarbok for Den norske kyrkja, 4. oppl. Andaktsbokselskapet, 1920- Oslo 1966.

Gudstenestebok for Den norske kyrkja, I-II 1977-1992. Verbum, Oslo 1992.

Tillegg til Gudstenestebok for Den norske kyrkja, I-II/Forsøksakar, 1996- Verbum, Oslo 1996.

Gudstjeneste. Torbjørn Olsen, Glomfjord 1987. (Inkl. Illustrasjonar)

Gudstjeneste. Tilleggshefte. Torbjørn Olsen, Glomfjord 1987.

Kollektbøner. Bearbeidd av Svein Morland og Otto Odland etter bokmålsutgåve 1989, utgjeve med føreord av Foreningen for Bibel og bekjennelse 1993. Nokre redaksjonelle endringar 2005.

Til FBB si kollektbønutgåve er lagt bønene frå Altarbok for Den norske kyrkja, 5. oppl., 1966, s.61-63 og 71-80.

"Gran-messa". I ymse utgåvar nytta ved Kyrkjestemner til Bøne-og Arbeidsfelleskapen Kyrkjeleg Fornyng frå 1967-1993.

Messeordning for SKG (Samråd på Kirkens Grunn)-etter høyringsrunde 1998 og vegleiar kollegiets gjennomarbeiding 1998 og 1999, slik ho vart nytta i SKG Region Oslo/ Hamar og Vest (Bjergvin og Stavanger)

Den hellige messe. Agende for Den nordisk-katolske kirke 1999-2005.

Den store lovsongen, Gudstenesteprojekt Øygarden Prestegjeld 2004-2012.



ØYGARDSLITURGIEN

Utskriven ordning for prest, diakon, kantor, og andre kyrkjeleg tilsette².
Vedteken i Blomvåg og Hjelme Sokneråd 1.februar 2006/1.september 2009 til førebels bruk i
Øygarden Prestegjeld³, Blomvåg og Hjelme Sokneråd gjorde samstundes vedtak om fleksibel bruk
av eksisterande salmebøker.

Versjon 1.desember 2012

Syng ein ny song for Herren,
lovsyng han frå heimsens endar,
de som ferdast på havet,
og alt som fyller det,
de øyar og strender
og de som bur der!

JES 42,10

BØN FØR GUDSTENESTA TEK TIL

(Kan óg nyttast som SAMLINGSBØN, sjå under)

Herre! Eg er komen inn i dette heilage huset ditt
og vil høyra det som du talar til meg,
du Gud Fader, skaparen min,
du Herre Jesus, Frelsaren min,
du Heilage Ande, trøystaren min i liv og død.
Herre! Lat no opp hjarta mitt med din Heilage Ande,
så eg kan læra av ordet ditt å sørgja over syndene mine,
tru på Jesus i liv og død,
og betra meg kvar dag i eit heilag liv.
Høyr og bønhoýr meg ved Jesus Kristus! Amen.

INNGANGSBØN, ALTARBOKA 1920

Eller

Herre, vi takkar deg for at du har gjeve oss
ein heim i di kyrkje på jorda og etter din
lovnad vil vere midt imellom oss når vi er
samla i ditt navn.
Hjelp oss i dag å høyra når du talar til oss. Lat
ditt ord lysa for oss, så vi alltid takkar og lovar
deg, tener og lyder deg.
Høyr vår bøn i Jesu Namn! Amen

INNGANGSBØN, ALTARBOKA 1920, FAMILIEGUDSTENESTA 1966

² Versjon med rubrikkar og fleire alternativ finn ein på

<http://www.stellamaris.no/DSLfvaug06.htm>

<http://www.stellamaris.no/DSL fullversjon 310806.pdf>

Kyrkjelydsversjon finn ein på

www.stellamaris.no/DSLeukyfebo6.htm

<http://www.stellamaris.no/DSL utskriven ordning desember 2012.pdf>

Versjon for born kjem på

<http://www.stellamaris.no/DSLeukyfbef14.htm>

³ Elles med heimel i:

Strategiplan for Bjørgvin BD 141204.

Strategiplan for Dnk, 1204.

Fleksibel bruk av Gudstjenesteboken. Kirkerådet 080905.

"Invitasjon til å delta i gudstjenestereformen". Kirkerådet/Nemnd for gudstenesteliv 220905.

I INNLEIING AV MESSA

PRELUDIUM OG SALME

gjerne med

INNTOG

INNGANGSORD

Presten: I Namnet åt Faderen og Sonen og Den Heilage Ande.✠

MATT.28.19.

GUDSTENESTEBOKA 1977-1992

Kyrkjelyden: Amen.

Anten

P: Kjære Kyrkjelyd! Nåde vere med dykk, og fred frå Gud, vår Far, og Herren Jesus Kristus.

1.KOR.1.3 M.FL.

GUDSTENESTEBOKA 1977-1992

Eller

P: Vår Herre Jesu Kristi nåde, Guds kjærleik og Den Heilage Andens samfunn vere med dykk alle!

2.KOR.13.13

Her kjem eventuell intimasjon eller

SAMLINGSBØN

Gjerne Inngangsbøna, Altarboka 1920(sjå over)

SYNDSVEDKJENNING

Eventuelt som alment skriftemål, sjå

<http://www.stellamaris.no/skrifte1.htm>

Anten

P: Lat oss bøya oss for Gud og sanna syndene våre.

ALTARBOKA 1920

Eller

P: Brør og systre, når vi har så stor ei sky av vitne ikring oss, så lat oss leggja av alt som tyngjer, og synda som har så lett for å hanga ved oss, og audmjuke oss og sanna våre synder.

HEBR.12.1

Anten I

K: Heilage Gud, Himmelske Far. Sjå i nåde til meg, arme, syndige menneske, som har såra deg med tankar, ord og gjerningar og kjenner den vonde hug i hjarta mitt. For Jesu Kristi skuld, ha tol med meg. Tilgjev meg alle mine synder, og gjev at eg må ottast og elska einaste deg. Amen.

LUK.15.21. ALTARBOKA 1920

Eller II

K: Herre, vår Gud, du kjenner oss og elsker oss alle.

Du veit at vi har gjort deg i mot. Vi har gløymt deg og det du vil vi skal gjera.

Vi har tenkt meir på oss sjølve enn på andre.

Tilgjev oss, for Jesu skuld. Amen.

LUK.15.21.

FAMILIEGUDSTENESTA 1981

Eller III

K: Kjære Gud, Far i himmelen, lat meg få vera ditt barn, og tilgjev meg alt som eg har gjort deg imot, og hjelp meg å elska deg og lyda deg, for Jesu skuld. Amen.

LUK.15.21.

**ALTARBOKA 1920
FAMILIEGUDSTENESTA 1949**

Eller IV

K: Herre, vår Gud og Far, du har skapt oss til å vera dine born og til å leva etter din gode vilje. Vi vedkjennest at vi mange gonger har gløymt deg og det du vil at vi skal gjera. Vi bed deg: Tilgjev oss for Jesu Kristi skuld. Reinsa oss frå alt som er deg imot, og gjev oss å veksa i trua på deg. Lat oss fryda oss i di frelse og leva det nye livet som vi vert døypte til.

LUK.15.21.

EIGA DÅPSGUDSTENESTE, 1983

Eller V

Gud, ver meg syndar nådig!
Eg har såra deg og svikta nesten min
- med tankar og ord,
- med det eg har gjort,
- og med det eg har forsømt.
Tilgjev meg syndene mine for Jesu Kristi skuld.
Skap i meg eit reint hjarta,
og gjev meg kraft til nytt liv ved din Heilage Ande.
PREIKEGUDSTENESTE, 1992

LØFTET OM SYNDSTILGJEVING

P: Herrens apostel seier:

Dersom vi sannar syndene våre, er han trufast og rettferdig,
så han tilgjev oss syndene og reinsar oss for all urettferd.

1.JOH.1.9.

LITURGI FOR UNGDOMS- OG SKOLEGUDSTJENESTER, SALMER FOR UNGDOM 1968.
PRØVEORDNING FOR HØGMESSA 1969.

BØNEROP-KYRIE

Anten I

K: Kyrie eleison. Gud Fader, miskunna oss.
Kris-te eleison. Herre Krist, miskunna oss.
Kyrie eleison. Heilag Ande, miskunna oss.



MATT.9,27;15,22 LUK.17,13;18,38
TROND KVERNO.

GUDSTENESTEBOKA 1977-1992. ADVENT, ALLMENN.

Eller II

K: Kyrie eleison.
Kris-te eleison
Kyrie eleison.

MATT.9,27;15,22 LUK.17,13;18,38
SALMER 1997 154, UKRAINSK.

Eller III

K: Kyrie, Kyrie, eleison
Kris-te, Kris-te, eleison
Kyrie, Kyrie, eleison

MATT.9,27;15,22 LUK.17,13;18,38
SALMER 1997 155, TAIZÉ.


LOVSONG-GLORIA

Gloria fell bort i fastetida.

P: Ære vere Gud i det høgste,


LUK.2,14

Anten I



PRØVEORDNING FOR HØGMESSA 1969.

Eller II



PRØVEORDNING FOR HØGMESSA 1969.

K(Omkvede): Og fred på jorda hjå menneske som Gud har hugnad i.
Vi lovar deg, vi prisar deg, vi tilbed deg, vi opphøgjer deg.

LUK.2,14

K Vi lo - var deg, vi pri - sar deg,
vi til - bed deg, vi opp-høg - jer deg.

GUDSTENESTEBOKA 1977-1992.

Anten I

**Vi hyllar deg for din store herlegdom,
Herre Gud, himmelske konge, allmektige Far.**

K(Omkvede):

**Herre, Guds einborne Son, Jesus Kristus,
Guds Lam som ber all verdsens synder,
miskunna deg over oss,
du som sit ved Faderens høgre hand, høyr vår bøn.**

K(Omkvede):

**For einast du er heilag, einast du er Herre, einast du er Den Høgste,
Jesus Kristus med Den Heilage Ande, i Faderens herlegdom.**

ROLF KARLSEN.

GUDSTENESTEBOKA 1977-1992

Alle
eller *f* Vi hyl - lar deg for din sto - re her -
leg - dom, Her - re Gud, him - mel - ske kon -
ge, all - mek - ti - ge Fa - der.
K Vi lo - var deg, vi pri - sar deg,
vi til - bed deg, vi opp-høg - jer deg.
Menn Her - re, Guds ein - bor - ne Son, Je - sus Kris - tus,
Guds Lam som bar all verd - sens syn - der, mis -
kun - na deg o - ver oss. Du som sit ved
Fa - de - rens høg - re hand, høyr vår bøn.
K Vi lo - var deg, vi pri - sar deg,
vi til - bed deg, vi opp-høg - jer deg.
Menn *Kvinner* For ei - nast du er hei - lag, ei - nast
du er Her - re, ei - nast du er Den



Eller som NoS 942, ST.HILARIUS AV POITIERS

Eller II

**K: Evige Gud, vi tilbed deg.
Evige Skapar, vi opphøger deg.
Evige Far, vi lovprisar deg.
Heilag, Heilag, Heilag!**

**Amen, vår Skapar, Treeine Gud!
Amen, vår Frelsar, Treeine Gud!
Amen, vår Guds Ande, Treeine Gud!
Heilag, Heilag, Heilag!**

SIGURD LUNDE.

SALMER 1997, 36, 1+4, OMSETT 2006.

Eller III

**Majestet, Konge i æve
jord og hav og himmel
alt er skapt av deg
Majestet, Konge i æve
Du, ei borg til frelse,
ein sikker skjulestad**

**Vi vil opphøge deg, Kong Jesus
Kvart eit kne skal bøya seg for deg
Vi vil opphøge deg, Kong Jesus
Ingen er som deg!
Nei, ingen er som deg!**

JAN HONNINGDAL,

ETTER JACK HAYFORD, OMSETT 2006

Eller IV

**K: Gloria, gloria, in excelsis Deo!
Gloria, gloria, Halleluja, Halleluja.
Lova Gud, lova Gud, lova Gud, i det høgste!
Lova Gud, lova Gud, Halleluja, Halleluja.**

SALMER 1997, 243

Eller V

**K: Ære vere deg, vår Gud, Halleluja,
Lova vere deg, Guds Son, Halleluja.**

SONGAR FOR DEI SMÅ 11, REFR.

BARNESONGBOKA 109, REFR.

*Her kan følgja dåp av born kor foreldra og fadrar har teke på seg forpliktinga til å oppsede barnet i kristen forsaking og tru.
Her kan óg døypast ungdom og vaksne som har motteke dåpsundervisning og har teke på seg forpliktinga til å leve i kristen forsaking og tru. I advents-og fastetida kan haldast dåpspåminning. Sjå liturgi for dåp.*

<http://www.stellamaris.no/doplit.htm>


II GUDS ORD

KOLLEKTBØN

kan gå ut ved dåp og familiemesse/familiegudsteneste

P: Herren vere med dykk.

JOH.20,19 1.KOR.16,23



PRØVEORDNING FOR HØGMESSA 1969.

P: Lat oss alle be.




GUDSTENESTEBOKA 1977-1992

Kollektbøna for dagen følgjer, sjå s.19, flg.

...EIN sann Gud, frå æve og til æve.

K: Amen.



GUDSTENESTEBOKA 1977-1992

FØRSTE LESING

*kan gå ut ved dåp og familiemesse/familiegudsteneste
(utan innleiing frå prest)*



SALME/BIBELSK SALME

kan gå ut ved dåp og familiemesse/familiegudsteneste

ANDRE LESING

*kan gå ut ved dåp og familiemesse/familiegudsteneste
P kan seia: Vi blir ståande.*

EVANGELIUM

P: Lat oss høyra det heilage evangeliet!

Anten til vanleg

LOVSONG FOR EVANGELIET, EVT.MED PROSESJON. EVANGELIELESING.

Anten I

K:Vi prisar deg, Gud, for din kjærleik så stor; Du sende din Son til vår syndige jord.

**Halleluja for Ordet! Halleluja! Amen!
Halleluja di er Æra! Halleluja! Amen.**

SANGBOKA 129, v.1. OMSETT 2006.

Eller II

K:Halleluja for Han All verda syngje saman! Alt folk og tungemål; Halleluja og Amen! Eit høgt Halleluja For frelsa ut or fall! For riket det er Hans I tid og æve all.

NYNORSK SALMEBOK 711,v.2

Eller III

**K:Halleluja! Halleluja! Halleluja!
Halleluja! Halleluja! Halleluja!
Halleluja! Halleluja! (2x)**

ANDRAE CROUCH

Eller IV

**K:Laudate, omnes gentes, laudate Dominum.(2x)
Syng lovsong, heile jorda, syng lovsong for vår Gud.(2x)**

SALME 117, TAIZÉ, SALMAR 97 230

Eller V

Høgtidsverset, t.d i julehelga: "I dag er fødd vår Frelsar stor", i påskehelga: "Han er oppstaden, dyre Ord!" og i pinsehelga: "Du loge av Guds kjærleikselv".

NOS 48, NOS 178, NOS 216

Eller VI


I fastetida les ein her Evangeliet for dagen. Følgd av

SALME FØR PREIKA

Lesinga går føre seg slik:

P: Herren vere med dykk.

JOH.20,19 1.KOR.16,23



PRØVEORDNING FOR HØGMESSA 1969.

P: Dette heilage evangeliet står skrive hjå evangelisten...

Evangeliet for dagen vert lese.

-Slik lyder det heilage evangeliet.

K: Gud vere lova! Halleluja! Halleluja! Halleluja!



EGIL HOVLAND. GUDSTENESTEBOKA 1977-1992

PREIKE

Evt. 1-2 barnesongar med barnepreike før preika tek til.

P avsluttar preika med det vesle Gloria: Til Ære for Faderen og Sonen og Den Heilage Ande, som var, er og vera skal, EIN sann Gud, frå æve til æve!

TRUVEDKJENNING

lese eller sunge. følgjer her når det ikkje er dåp.

NOS 944 Apostolicum til vanleg, NOS 945 Niceanum-Constantinopolitanum på høgtidsdagar.

P: Lat oss vedkjennast vår heilage tru.

Anten

**K: Eg trur på Gud Fader, den allmechtige,
som skapte himmel og jord.**

**Eg trur på Jesus Kristus, Guds einborne Son,
vår Herre,
som vart avla ved Den Heilage Ande,
fødd av Maria møy, pint under Pontius
Pilatus,
vart krossfest, døydd og vart gravlagd,
for ned til dødsriket, stod opp frå dei døde
tredje dagen,
for opp til himmelen, sit ved høgre handa åt
Gud,
den allmechtige Fader, skal koma att derifrå
og døma levande og døde.**

**Eg trur på Den Heilage Ande, ei heilag,
allmenn Kyrkje,
eit samfunn av dei heilage, forlating for
syndene,
oppstoda av lekamen og evig liv. Amen.**

NOS 944

Eller

**K: Vi trur på éin Gud, den allmechtige Far,
som har skapt himmel og jord, alt synleg og
usynleg.**

**Vi trur på éin Herre, Jesus Kristus, Guds
einborne Son,
fødd av Faderen før alle tider,
Gud av Gud, ljøs av ljøs, sann Gud av sann
Gud,
fødd, ikkje skapt, av same vesen som
Faderen.**

**Ved han er alt skapt.
For oss menneske og til vår frelse steig han
ned frå himmelen,
og ved Den Heilage Ande og av Maria møy
vart han menneske av kjøt og blod.
Han vart krossfest for oss under Pontius
Pilatus,
leid og vart gravlagd,
stod opp tredje dagen etter Skriftene
og fór opp til himmelen,
sit ved høgre handa åt Faderen,
skal koma att i herlegdom for å døma
levande og døde,
og hans rike skal vera utan ende.
Vi trur på Den Heilage Ande,
som er Herre og gjer levande,
som går ut frå Faderen og Sonen, som vert
tilbeden og æra
saman med Faderen og Sonen,
og som har tala gjennom profetane.**

**Vi trur på éi heilag, allmenn og apostolisk
Kyrkje.**

**Vi vedkjennest éin dåp til forlating for
syndene
og ser fram til oppstoda av dei døde og eit liv
i den komande verda.**

**Amen.
NOS 945**

og/eller

SALME

Korte kunngjeringar kan følgja.

III FORBØN

BØN FOR KYRKJA OG VERDA

P: Lat oss gå fram for Herrens åsyn med takk for Hans gode gåver, og bøn for kyrkja og verda.

Ei forbøn/eit litani frå dei liturgiske bøkene, sjå oversyn på

<http://www.stellamaris.no/eukpfullst.htm>


<http://www.stellamaris.no/forb.htm>

K(yrkjelydssvar):

Anten I

Herre, høyr vår bøn!

Kyrkjelyden




Her - re, høyr vår bøn.

TROND KVERNO.

GUDSTENESTEBOKA 1977-1992. SALMAR 1997 160

Kyrkjelyden



Her - re, høyr vår bøn. A - men.

Eller II

K: Herre, miskunna oss!

NoS 952

Eller III

**K: Kyrie, Kyrie, eleison
Kyrste, Kyrste, eleison
Kyrie, Kyrie, eleison**

MATT.9,27;15,22 LUK.17,13;18,38
SALMER 1997 155, TAIZÉ.

Eller IV

**K: Å Gud, høyr vår bøn,
å Gud, høyr vår bøn!
Når vi bed, gje oss svar!
Å Gud, høyr vår bøn, å
Gud høyr vår bøn!
Kom og vér du oss nær.**

TAIZÉ, SALMER 97 161

Avslutning, men ikkje ved litani:

I Jesu Kristi Namn bed vi til deg, vår Far!


Same kyrkjelydssvaret følgjer.

Det kan tennast lys i lysgloben. Her kan følgje eit ekstra ledd med frie bønemne. I fastetida følgjer Fastekollekten, sjå s.34.

Det Det kan óg haldast forbøn ved altarringen/ i benkane for sjuke eller andre med særskilt trong. Salving av sjuke etter særleg avtale. Konkret forbøn kan óg skje under nattverdmåltidet eller etter messa, om dette synest best.

<http://www.stellamaris.no/salv.htm>

IV NATTVERD



OFFERTORIESALME

*Pengeoffer vert samla inn i benkene.
Brød og vin kan berast fram.*

OFFERTORIEKOLLEKT

Anten

P: Herre Gud, himmelske Far,
Di er jorda og det som fyller henne.
Alt det vi eig høyrer deg til.
Av ditt eige gjev vi deg attende.
Ta imot oss og signa desse gåvene
så dei kan verta til gagn for ditt rike
og vår neste for Jesu Kristi skuld.
Til lov og ære for Hans Namn og til
frelse for heile verda. Amen.

KF 1979. SKG 1999

Eller II

P: Alle vender augo sine til deg, Herre,
og du gjev dei deira føde i rette tid.
Du opnar di hand og mettar alt levande
med hugnad.
Herre Gud, Himmelske Far, signe oss og
desse gåvene dine,
som vi tek imot av di milde hand.
Ved Jesus Kristus, vår Herre.

SAL. 145,15 FLG. SKG 1999

Eller III

P: Verdig er du, vår Herre og Gud,
til å få all pris og ære og makt;
for du har skapt alle ting, og fordi du ville,
vart dei til og vart skapte.

OP.5,12

K: Amen.

*Her kan følgja
Sams avslutning*

Anten ved feiring mot altaret "mot aust":

P: Evige, allmechtige Gud, du held himmel og
jord i dine hender, du nemner oss alle ved
namn, så vi skal høyra deg til og vera ditt folk
på jorda.


Saman med dei truande gjennom alle tider
og med den store himmelhæren vil vi prisa
ditt heilage namn. Amen.

GUDSTENESTEBOKA 1977-1992

Eller ved feiring "mot folket":

P: Kjæraste Kristi vener! Lat oss koma i
hug han som døydde for oss og stod opp
for oss. Og lat oss takka og be med
kvarandre!

ALTARBOKA 1920



DEN STORE TAKKEBØNA-EUKARISTIBøn

SALUTATIO

P: Herren være med dykk.

K: Og med deg vere Herren.

P: Lyft dykkar hjarto.

K: Vi lyfter våre hjarto til Herren.

P: Lat oss takka Herren vår Gud.

K: Det er verdig og rett.

ALTARBOKA 1920

Presten

vend mot kyrkjelyden:



Kyrkjelyden

reiser seg og syng:



Presten




Kyrkjelyden



Presten



Kyrkjelyden



EGIL HOVLAND.
GUDSTENESTEBOKA 1977-1992

PREFASJON

**P: I sanning, verdig og rett er det,
vår skyldnad og vår frelse,
at vi alltid og alle stader takkar deg,
heilage Herre, allmechtige Far, evige Gud,
ved Jesus Kristus, vår Herre,**

Variable ledd:

Advent I:

**- Han som for vår skuld vart menneske,
for at vi ved han skulle bli dine born,
frelste ut or mørker og inn i ditt
underfulle ljøs.**

Advent II:

**- Han som du sende til frelse for
verda, så han skulle oppfylle dei
lovnadene du gav fedrane gjennom
profetane.**

Julenatt:

**- Han som denne heilage natta for vår skuld vart inkarnert, for at vi ved han skulle
bli dine born, frelste ut or mørker og inn i ditt underfulle ljøs.**

Jula og Kristi Openberrings-tida I:

**- Han som for vår skuld vart menneske,
for at vi ved han skulle bli dine born,
frelste ut or mørker og inn i ditt
underfulle ljøs.**

Jula og Kristi Openberrings-tida II:

**- i Han har du openberra din herlegdom
i verda, så ljøset skin i hjarto våre.**

Fastetida:

**- Han som elska oss og gav seg sjølv for oss,
så han vart lydlig inntil døden, ja døden på krossen.**

Skjærtorsdag:

**- Han er det levande brødet som kjem ned frå himmelen og gjev verda liv,
så den som kjem til han aldri skal svelta, og den som trur på han aldri skal tyrsta.**

Påsketida I:

**- Han er det sanne påskelam, som ved
sin død gjorde døden til inkjes, og ved si
oppstode gav oss det evige livet.**

Påsketida II:

**- Han er det sanne påskelam, som
har bore våre synder. Og med si
oppstode har han sigra over døden.**

Påsketida III:

**-Han som for oss betalte Adams skuld til den ævelege Far, og som med sitt dyre blod
strauk ut det gamle skuldbrevet.**

FRÅ PÅSKENATTSMESSA

Helgetorsdag og den sundagen som følger:

**- Han som for opp til himmelen og no trunar ved di høgre hand
og alltid går i forbøn for oss.**

Pinse:

**- for han sit ved di høgre hand og har sendt Den Heilage Ande i Hans Namn til trøyst for
dine born, så vi kan jubla av glede og forkynna dine store gjerningar på mange
tungemål.**

NY VERSJON, 2006-2009

Treeiningstida I:

**- Han som du sende til frelse for verda,
for at vi ved hans død skulle få forlating
for syndene, og ved hans oppstode vinna
det evige liv.**

Treeiningstida II:

**- Han er det levende brødet som kjem
ned frå himmelen og gjev verda liv,
så den som kjem til han aldri skal svelta,
og den som trur på han aldri skal tyrsta.**

Kyrkjeårsuavhengig:

**- Han som elsker oss og har fridd oss fra syndene våre med sitt blod,
og gjort oss til eit kongerike, til prestar for Gud sin Far.**

ALTERNATIVA ER FRÅ GUDSTENESTEBOKA 1977-1992/SKG 1999 NÅR IKKJE ANNA ER SAGT

Sams avslutning

Ved Han lovsyng englane din herlegdom,
og di kyrkje i himmelen og på jorda
prisar namnet ditt med samrøysta lovsong.
Med dei vil vi òg blanda våre røyster og tilbedande syngja:

HEILAG-SANCTUS

**K: Heilag, heilag, heilag er Herren Sebaot,
All jorda er full av din herlegdom,
Hosianna i det høgste.
Velsigna vere Han^ø som kjem, i Herrens namn.
Hosianna i det høgste.**

JES.6,3 MATT.21,9;15 JOH.12,13



SANCTUS GRADUALE ROMANUM XVII. ALTARBOKA 1920

P kan seia: Vi set oss

P: Lat oss takka og be.

*P kan i eukaristidelen på Familiemesser evt.nyttå bare ledd frå den utvida HØGMESSELITURGIEN I
GUDSTENESTEBOKA 1977-1992. Desse er merkte med blå skrift.*

Anten

**P: Vi lovar deg, Herre over himmel og jord, du som har elska verda og gjeve Son din,
Jesus Kristus, så han skulle frelsa oss frå synd og død og vinna deg eit heilagt folk.**

GUDSTENESTEBOKA 1977-1992.

Eller

**P: Ja, det er godt å takka deg, Herre vår Gud, og lovsyngja ditt namn, du Den Høgste, å
forkynna din nåde om morgonen og din truskap når natta kjem. Du har skapt oss og
held oss oppe. Du gjev oss liv og helse, heim og arbeid, venskap og kjærleik. Du lét Son
din leva som eit menneske mellom menneske, du lét han døy til frelse for oss og stå opp
med evig herlegdom. Du gav oss din Heilage Ande, Hjelparen og Trøystaren, som ikkje
lét oss vera åleine når vi syrgjer og er redde. I Han er du nær oss alle dagar.**

JOHANNESLITURGIEN II.2, 1983

GUDSTENESTEBOKA 1977-1992

Eller

**P: Heilage Gud, allmektige Herre, nådige Far. Utan ende er di miskunn, og evig er ditt
herrevelde. Du har fylt skaparverket med ljøs og liv; himmelen og jorda er fulle av din
herlegdom. Gjennom Abraham lover du å velsigna alle folkeslag. Du berga Israel, ditt
utvalde folk. Gjennom profetane nya du opp att lovnaden din. Og då tida var komen,
sende du Son din, han som i ord og gjerning forkynte ditt rike og var lydig mot din vilje
heilt til døden.**

JOHANNESLITURGIEN I. GUDSTENESTEBOKA 1977-1992

Eller

**P: Vi takkar deg, Herre over himmel og jord, du som opnar di hand og settar alt
levande med det som godt er. Du sende Son din så Han skulle lida på krossen, og du
reiste han opp frå døden. Han er det sanne brødet, som kjem ned frå himmelen og gjev
verda liv.**

JOHANNESLITURGIEN II.2

GUDSTENESTEBOKA 1977-1992

BØN OM HEILAGANDEN-EPIKLESE

Anten

Vi bed deg, allmektige Far, gjev oss din Heilage Ande. Lat oss kjenna krafta av Kristi oppstode, så vi som tek i mot hans lekam og blod, kan leva til pris og ære for din herlegdom og få del i arven som dei heilage får i ljuset.

JOHANNESLITURGIEN II.1
GUDSTENESTEBOKA 1977-1992

Eller

Evige, miskunnsame Gud. Vi takkar deg fordi du har gjeve din kjære Son i døden for syndene våre, og i han har forsona verda med deg sjølv. Vi bed deg: Gjev oss din Heilage Ande, og skap i oss ei sann tru på din nåde, så vi kan ta imot Jesu lekam og blod til frelse og fred, og verta éin lekam i han.

PAULUSLITURGIEN
GUDSTENESTEBOKA 1977-1992

Eller

P: Send din Ande over oss og desse gåvene dine, så vi med tru og takk kan ta imot det himmelske brødet. Og liksom kornet har vorte eitt i brødet og druene i vinen, så gjer oss til eitt med kvarandre og med Gud Herren Jesus Kristus.

JOHANNESLITURGIEN II.2, 1983
GUDSTENESTEBOKA 1977-1992.

HERRENS INNSETJINGSORD-VERBA

P: Vår Herre Jesus Kristus, den natta han vart sviken, tok han eit brød, takka deg, braut det, gav læresveinane og sa:

TAK DETTE OG ÉT DET. DETTE ER MIN LEKAM, SOM VERT GJEVEN FOR DYKK. GJER DETTE TIL MINNE OM MEG.

Like eins tok han kalken etter måltidet, takka, gav dei og sa:

DRIKK ALLE AV DEN. DENNE KALKEN ER DEN NYE PAKT I MITT BLOD, SOM VERT UTRENT FOR DYKK OG FOR DEI MANGE TIL FORLATING FOR SYNDENE. SÅ OFTE SOM DE DRIKK AV HAN, SÅ GJER DET TIL MINNE OM MEG.

1.KOR 11,23-26; MARK.14,22-25; MATT.26,26-29, LUK.22,15-20

BØN OM Å KOMA I HUG KRISTI VERK-ANAMNESE.

Akklamasjonar.

Anten

P: Stort er trua sitt mysterium.

SKG 1999

Eller

Kristus mellom oss, vona om herlegdom!

KOL.1,27B

P held fram

Kristus døydde. Kristus stod opp. Kristus skal koma att.

JOHANNESLITURGIEN II.1
GUDSTENESTEBOKA 1977-1992

Anten

P: Difor, miskunnsame Far, vil vi med dette brødet og denne kalken koma i hug at Herren gav livet for oss. Og i trua på Hans oppstode ventar vi på at Han kjem att i makt og herlegdom og vil halda sitt store gjestebod saman med sitt folk.

JOHANNESLITURGIEN II.1
GUDSTENESTEBOKA 1977-1992

Eller

P: Evige, miskunnsame Gud. Vi takkar deg fordi du har gjeve din kjære Son i døden for syndene våre, og i han har forsona verda med deg sjølv. Vi høgtidar dette måltidet med glede og takk for det offer du har fullført,

og i trua på di sigerrike oppstode og himmelferd,

medan vi ventar på at du kjem att i herlegdom. Gjer oss til eitt med heile di heilage kristne kyrkje og lat oss ein gong samlast hjå deg i ditt fullkomne rike.

ETTER NATTVERDBØN II
GUDSTENESTEBOKA 1977-199

Eller

P: Herre, vi høgtidar dette måltidet med glede og takk for det offer du har fullført, i tru på di sigerrike oppstode og himmelferd, medan vi ventar på at du kjem att i herlegdom.

Vi bed deg, gjev oss som kjem til ditt bord og vil ta imot din lekam og ditt blod, at vi kan ta del i dette måltidet med audmjuke og ærlege hjarto.

Sameina oss med deg som greinene med vintreet, lær oss å elska kvarandre som du har elska oss, og lat oss ein gong samlast hjå deg i ditt fullkomne rike.

ETTER GUSTAV JENSEN, GUDSTENESTEBOKA 1977-1992

Eller

P: Himmelske Far, vi takkar deg, og velsignar ditt namn ved din einborne Son, vår Frelsar.

Deg vere æra for kjærleiken som er sterkare enn døden.

Vi bed deg, gjev oss som kjem til ditt bord og vil ta imot din lekam og ditt blod, at vi kan koma fram for ditt åsyn med audmjuke og ærlege hjarto.

Sameina oss med deg som greinene med vintreet, lær oss å elska kvarandre som du har elska oss, og gjev at vi med heile den heilage kyrkja kan ha trøyst og glede i deg, ved vår kjære Frelsar, Jesus Kristus.

ETTER GUSTAV JENSEN, ALTARBOKA 1920

Eller

P: Himmelske Far, sjå til din kjære Son sitt offer på Golgata, som Han har sona alle våre synder med.

Vi takkar deg fordi du i din nåde har gjort oss verdige til å stå for di åsyn og tena deg.

Vi bed deg audmjukt:

Gjev oss som kjem til Herrens bord for å ta i mot Hans dyre lekam og blod, å bli eitt med din Heilage Ande og herleggjera deg ved tenaren din, Jesus Kristus.

Ved Han og med Han og i Ham tilkjem deg, Gud, allmektige Far, i eining med Den Heilage Ande, all ære og herlegdom, frå æve og til æve.

SKG 1999

Sams avslutning

Anten

P: Ved han og med han og i han, skal Du, allmektige Far, i eining med Den Heilage Ande, ha all ære og herlegdom, no og alltid og i all æve.

SKG 1999

Eller

Difor, så ofte som vi ét dette brødet, og drikk av kalken, forkynner vi Herrens død, til dess han kjem.

1.KOR.11,26

JOHANNESLITURGIEN II.1
GUDSTENESTEBOKA 1977-1992

P held fram

Amen, ja kom, Herre Jesus.

1.KOR.16,22; ÅP.22,20

JOHANNESLITURGIEN II.1
GUDSTENESTEBOKA 1977-1992

FADERVÅR-PATERNOSTER

Evt. som ny form, 2006

Anten

P:I Den Heilage Ande og saman med heile ditt folk, bed vi den bøna Son din sjølv har lært oss:

Eller

Lat oss be i tillit til Faderen slik Herren sjølv har lært oss:

**K: Fader vår,
Du som er i himmelen,
Lat namnet ditt helgast.
Lat riket ditt koma.
Lat viljen din råda på jorda
så som i himmelen.
Gjev oss i dag vårt daglege brød.
Førlat oss vår skuld,
som vi òg forlet våre skuldmenn.
Før oss ikkje ut i freisting,
men frels oss frå det vonde.
Før riket er ditt, og makta og æra i all æve.
Amen.**

SALMER 1997 0167

FREDSHELING-PAX

**P: Kristus er vår fred; han som døydde på krossen
og der gjorde ende på fiendskapen.**

EF.2.14

P held fram

P: Herrens fred vere med dykk alltid.

D/P: Hels kvarandre med fredens teikn.

Dei truande gjev kvarandre eit teikn på fred og kjærleik, som "Guds Fred" o.l. t.d ved handtrykk.

BRØDSBRYTING-FRACTIO

**P: Brødet som vi bryt gjev oss del i Kristi lekam.
Sjølv om vi er mange, er vi ein lekam.
Før vi har alle del i det eine brødet.**

1.KOR.10,16-17

Med éin Ande vart vi alle døypte til å vera éin lekam, og alle fekk vi éin Ande å drikka.

1.KOR.12,13. SKG 1999

Amen, ja kom, Du Heilage Ande

JOHANNESLITURGIEN II.1

GUDSTENESTEBOKA 1977-1992

Sameina bøna vår med bønene frå tenarane dine alle stader og gjennom alle tider, og med forbøna frå vår store øvsteprest, som alltid bed for oss, til dess han kjem med siger, som Herren over alle ting. Ved Han og i Han og i samfunn med Den Heilage Ande skal all herlegdom og ære høyra deg til, allmektige Far, evige Gud, no og til evig tid.

JOHANNESLITURGIEN II.1

GUDSTENESTEBOKA 1977-1992

GUDS LAM-AGNUS DEI

**K: Du Guds Lam, som bar all verdsens synder,
miskunna deg over oss.**

**Du Guds Lam, som bar all verdsens synder,
miskunna deg over oss.**

**Du Guds Lam, som bar all verdsens synder,
gjev oss din fred!**

JOH.1,29;36.

ALTARBOKA 1920

Du Guds Lam, som bar all verd-sens syn - der, mis-
kun - na deg o - ver oss. Du Guds Lam, som bar all
verdsens syn-der, mis-kun-na deg o - ver oss. Du Guds
Lam. som bar all verdsens syn-der, gjev oss din fred.

TROND KVERNO. GUDSTENESTEBOKA 1977-1992

NATTVERDMÅLTIDET-COMMUNIO

P: Sjø Guds lam, som ber bort synda i verda.

JOH.1,29;36,
NY FORM 2006

**Sæle er dei som er bedne til bryllaupsmåltidet åt Lammet.
Herre, eg er ikkje verdig at du går inn under mitt tak,
men sei berre eitt ord, så vert sjela mi lækt.**

FRÅ MATT.8,8
Kom, for alt er ferdig.
SKG 1999

SALME/AR



Kristi lekam og blod vert utdelt til dei som er døypte og vil tru Kristi Ord og løfte. Nattverden vert teke imot mens ein kneler på altarringen, alternativt framst i skipet, eller på fleire stasjonar i kyrkjerommet. Ved altarringen tek ein i mot nattverden med ope hand og kalk, framst i skipet ved å dyppe det innvigde brødet i kalken, eller ved å drikke av felleskalken. Om ein ønskjer, kan ein vise sakramentet ære ved bøye seg. Ein set seg etter at ein har mottoke sakramentet. Om ein av ymse årsakar ikkje skal gå til altars, men ønskjer velsigning, gjev ein teikn om dette. Born og konfirmantar som ikkje har fått undervisning om nattverden heime, av ein fadder, eller av presten, kan velsignast.


TILSEIINGSORD

**P: Den krossfeste og oppstadne Herre Jesus Kristus,
som no har gjeve oss sin heilage lekam og sitt dyre blod,
som han gav til soning for alle dykkar/våre synder,
han styrkje dykk/oss og halde dykk/oss oppe i ei sann tru til det evige liv.
Fred vere med dykk.✠**

ETTER ALTARBOKA 1920

TAKKEKOLLEKT FOR NATTVERDEN-POSTCOMMUNIO

P: Lat oss takka og be.



Anten

**P: Vi takkar deg, Herre allmechtige, evige Gud,
fordi du i brødet og vinen i den heilage
nattverden
har gjeve oss Jesu lekam og blod.
Vi bed deg at du ved desse dine sæle gåver
vil styrkja trua vår på deg,
gjere kjærleiken brennande mellom oss
og stadfesta i oss vona om det evige liv,
for Son din, Jesu Kristi, vår Herres skuld.**

ETTER ALTARBOKA 1920.
SVERRE AALEN 1977, REV.2005

Eller

**P: Vi takkar deg, Herre, allmechtige,
evige Gud, for du har kveikt oss med
dine sæle gåver. No bed me deg at du
med desse gåvene dine vil styrkja vår tru
på deg, og gjera kjærleiken brennande
oss imellom, og stadfesta i oss vona om
eit evig liv, for Son din, Jesu Kristi vår
Herre skuld! Amen.**


TAKKEKOLLEKT FOR NATTVERDEN, ALTARBOKA
1920.

Eller

**P: Herre Jesus Kristus, du som er den levande Guds Son og tok på deg ein tenars
skapnad og vart lydig til døden, vi bed deg: Lat gåva du gjev i nattverden, gjera oss
takksame og glade, så vi ikkje lever for oss sjølve, men for deg, som døydde for oss og
stod opp for oss. Fyll oss med din kjærleik, så vi kan tena medmenneska våre i lydndad
mot din vilje.**

GUDSTENESTEBOKA 1977-1992

K: Amen.



GUDSTENESTEBOKA 1977-1992

V UTSENDING

Anten

**P: Herren være med dykk.
K: Og med deg vere Herren.**

JOH.20,19 1.KOR.16,23.
EGIL HOVLAND.
GUDSTENESTEBOKA 1977-1992
SALMAR 1997 182

Eller

**P: Lat oss prisja Herren.
K: Gud vere lova. Halleluja.
Halleluja. Halleluja.**

GUDSTENESTEBOKA 1977-1992

VELSIGNINGA

**P: Herren velsigne deg og vare deg,
Herren late sitt ansikt lysa over deg og vere deg nådig,
Herren lyfte si åsyn på deg og gjeve deg fred. ✠**

4.MOS.4,24-26.
ALTARBOKA 1920

Presten

Her-ren ve-re med dykk!

Kyrkjelyden reiser seg og syng:

Og med deg ve-re Her-ren!

Presten

Herren velsigne deg og va-re deg. Herren late sitt andlet
lysa over deg og ve-re deg nå-dig. Herren lyfte sitt asyn
på deg og gje-ve deg fred.

K: Amen. Amen. Amen.

ALTARBOKA 1920, EVT.SOM NoS 884, VERS.

EGIL HOVLAND. GUDSTENESTEBOKA 1977-1992

UTSENDINGSORD

Anten

**P: Messa er til endes. Gå
i Herrens fred!**

SKG 1999

Eller

**P: Kristus lever. Lat oss
leva for Han!**

Eller

**P: Gå i Kristi Fred! Ten
Herren med glede!**

GUDSTENESTEBOKA 1977-1992

SALME, EVT. MED UTTOG

3*3 BØNESLAG

POSTLUDIUM

EVENTUELT UTGANGSBØN:

**Herre! Vi takkar deg for at du har lært oss
kva du vil at vi skal gjera.
Hjelp oss no, Gud, ved din Heilage Ande for Jesu Kristi skuld,
at vi må gøyma ordet ditt i eit reint hjarta,
styrkjast ved det i trua, betrast i eit heilag liv,
og ha trøyst av det i liv og død! Amen i Jesu namn.**

ALTARBOKA 1920

Kollektbøner

Adventstida:

1. sun. i adventstida.

Kollekt:

Herre Gud, Far i himmelen! Vi lovar og prisar deg av di du i Son din har gjeve oss ein spaklynt og rettferdig konge, som har fridd oss fra synda og djevelen si makt ved sin død, og lever for å hjelpa oss mot døden. Vi bed deg: Opplys og styr oss ved din Heilage Ande så vi ikkje styggjest ved hans ringe skapnad og vanvyrde ord, men set all vår lit til denne kongen, og ved trua på han vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller
Evige Gud, Far i himmelen! Vi lovar og prisar deg av di du har sett Son din til konge over oss syndige menneske. Lær oss å tena og lyda deg, så me med tillit og gleda ventar Son din att og så til evig tid vert sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

2. sun. i adventstida.

Kollekt:

Herre Gud, Far i himmelen, du som har openberra gjennom Son din at himmel og jord skal forgå, og at me ein dag skal stå opp frå dei døde og møta for dommen, vi bed deg at du ved din Heilage Ande alltid vil halda oss fast til ordet ditt i ei sann tru, så vi ikkje tyngjer hjarto våre med fråtsing og drykk og sut for dette livet, men vaker og bed, og med von og med glede ser fram mot den dagen Son din kjem att i herlegdom, og vi vert evig sæle, ved Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

3. sun. i adventstida.

Kollekt:

Herre Gud, Far i himmelen, du som let Son din koma til verda for at han skulle frelsa oss fortapte menneske frå synd og død og Satans makt, og gje oss evig liv, vi bed deg: Reinsa og styr hjarto våre såleis ved din Heilage Ande at vi ikkje styggjest ved vår Herre Jesus Kristus, men held oss einast til hans ord, vakta oss frå vonløyse og fall som vi vert freista til her i verda, og gjer oss evig sæle, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

4. Sun. i adventstida.

Kollekt:

Trufaste Gud og Far, du som fyrst vitna om Son din gjennom Moses og profetane, og til sist sende døyperen Johannes til å rydje veg for hans åsyn, vi takkar deg av di du har oppfylt ditt gode ord. Vi bed deg at du vil opna Skriftene for hjarto våre ved din Heilage Ande, så vi kan kjenna Son din, høyra hans røyst med gleda, og av takksame hjarto æra han som vår Herre og utløysar, han som lever og råder saman med deg i eining med Den Heilage Ande, ein sann Gud frå æve og til æve.

Juletida:

Julafta/ Julenatt.

Kollekt:

Anten
Herre Gud, Far i himmelen! Vi lovar og prisar deg for di store miskunn at du let din einborne Son verta menneske, og gjorde denne store gleda kjend for hyrdingane på marka. Vi bed deg: Driv all otte bort fra hjarto våre ved din Heilage Ande, og gje oss den evige gleda over han som er frelsesfyrsten vår, så vi, trass i motstand og vanvørnad her på jord, kan ta del i englane sin lovsong med frimod og

takksemd, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller

Evige Gud, Far i himmelen. Me takkar deg som i den heilage julenatt let Son din koma til verda og verta menneske imellom oss, så han skulle frelsa oss frå synda og døden og gje oss del i det evige livet. Vi bed deg: Hjelp oss å gje Jesus rom i hjarto våre, så me kan leva som dine born på jorda og verta evig sæle ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. Juledag. Kollekt:

Anten

Herre Gud, Far i himmelen! Vi lovar og prisar deg for den store miskunn at du let Son din ta vårt kjøt og blod på seg, og at du ved han har frelst oss fra synda og døden og gjeve oss en evig glede. Vi bed deg: Gjev oss din Heilage Ande, så vi tar imot denne frelsa med takksame hjarto, trøystar oss til din nåde i all naud og freisting, og så vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller

Evige Gud, Far i himmelen, du som ved Ordet har skapt alle ting, og oss menneske til samfunn med deg, vi lovar og takkar deg av di du let din einborne Son Jesus Kristus verta menneske, fødd av Maria møy, for at vi ved han skulle verta dine born, fødte på ny av vatn og ande. Vi bed deg: Lat ordet ditt opplyse hjarto våre ved din Heilage Ande, så vi kan sjå herlegdomen åt Son din, ta imot han som vår Frelsar, og med han kalla deg Far, ved din kjære Son, Jesus Kristus, som lever og råder saman med deg i eining med Den Heilage Ande, ein sann Gud frå æve og til æve.

2. Juledag/St.Stefanusdagen. Kollekt:

Herre Gud, Far i himmelen, du som let den Heilage Stefanus lide martyrdøden for Jesu skuld, og med det gjorde han til eit vitne om det rike som ikkje er av denne verda, vi bed deg at du ved din nåde vil halde oss fast i trua på det heilage evangeliet, så vi held ut og ikkje svik når du let oss lida vondt for Jesu skuld, men saman med alle dine vitne gjennom alle tider og på alle stader vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. Sondag i juletida. Kollekt:

Evige Gud, Far i himmelen, du som har openberra din frelse for alle folkeslag, og sett Son din til fall og oppreising for mange i Israel, vi bed deg: Opna augo våre ved din Heilage Ande, så vi kan sjå di frelse, og saman med heile di heilage kyrkje av jødar og heidninger vedkjennast Jesus Kristus som vår Utløysar og Herre. Hjelp oss i vår siste stund å lita på dine lovnader og trøysta oss til din nåde, som gjer oss evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Nyårsnatt. Kollekt:

Heilage, evige Gud! Du har vore ein bustad for oss fra ætt til ætt. I di hand er alle våre tider, og di miskunn er det at det enno ikkje er ute med oss. Vi sannar at vi mange gonger og på mange måtar har såra deg, og er skuldige til dom og straff. Herre, tilgjev oss syndene våre og reinsa oss frå all urettferd etter din lovnad i Kristus Jesus, så vi i ei fast von til han kan gløyma alt som er attanfor, jaga mot målet, og fullføra laupet, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Nyårsdag/Jesu Namnedag. Kollekt:

Anten

Miskunnsame Gud, Far i himmelen! Vi takkar deg for din faderlege nåde, at du let Son din gå inn under lova for at han ved sin fullkomne lydnad skulle gå inn under din vreide og lækja vår ulydnad. Vi

bed deg: Opplys hjarto våre ved din Heilage Ande, så vår syndenaud søker trøyst i hans lydnad, og ved Anden din lever oss som dine lydige barn, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller

Miskunnsame Gud, Far i himmelen, du som ved omskjæringa let din kjære Son gå inn under lova for at vi skulle løysast or lova si forbanning, vi bed deg: Gjev oss din nåde, så vi får del i denne forløysinga, og så vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Kristi Openberrings-tida:

Kristi Openberrings-tida, allmenn:

Kollekt:

Evige Gud, Far i himmelen, du som frå heimsens endar kallar og samlar eit folk som tener deg, lat ditt rike koma og ditt ljøs skina over oss og over alle som sit i mørkrer og dødsskugge, ved Son din, Jesus Kristus, han som lever og råder saman med deg i eining med Den Heilage Ande, ein sann Gud frå æve og til æve.

Epifania/Kristi Openberring.

Kollekt:

Herre Gud, Far i himmelen, du som leia dei vise menn til det vesle barnet Jesus, og har late ditt Heilage Ord lysa for oss som den sanne stjerna, vi bed deg: Send din Heilage Ande i hjarto våre så vi får visdom til å verta sæle ved dette ljøset, og ærar Son din med alt som høyrer oss til. Lat ditt rike få framgang her hjå oss og mellom alle folkeslag, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. Sundag i Kristi Openberrings-tida.

Kollekt:

Herre Gud, Far i himmelen! Du som ved din Heilage Ande openberra Son din då han vart døypt, og ved di røyst viser oss til han som har teke alle våre synder på seg, vi bed deg: Lat oss som er døypte etter din vilje og på din kjære Son si føresegn, verta styrkte i trua på Han ved din Heilage Ande og slik verta sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

2. Sundag i Kristi Openberrings-tida.

Kollekt:

Herre Gud, Far i himmelen! Vi lovar og prisar ditt Heilage navn av di du sende Son din, Jesus Kristus, då tida var komen så han skulle metta fattige med gode gåver, og lata dei drikka or gledebekken din. Vi bed deg: Lat opp augo våre med din Heilage Ande, så vi kan sjå hans herlegdom, og med frimod halda oss til Jesus i all vår naud, til dess vi sit til bords i ditt fullkomne rike og får sjå han som han er, han som lever og råder saman med deg i eining med Den Heilage Ande, ein sann Gud frå æve og til æve.

3. Sundag i Kristi Openberrings-tida.

Kollekt:

Allmektige, miskunnsame Gud, du som i din store kjærleik har gjeve oss Son din, og let han verta menneske og døy på krossen for vår skuld, vi bed deg: Gjev din Heilage Ande i hjarto våre, så vi set vår lit til han som har bore våre sjukdomar, og som berre med eitt ord kan berga oss or all naud, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

4. Sundag i Kristi Openberrings-tida.

Kollekt:

Allmektige Gud, Far i himmelen, du som etter ditt faderlege råd fører borna dine her på jord under krossen, og ofte let trengsle koma over oss for å dempa synda og øva oss i tru, von, og uthaldande bøn,

vi bed deg: Miskunna deg over oss i all anfekting og naud, så vi kan læra å kjenna din nåde og ditt faderlige vern, og så, med alle dine heilage lova og prisa deg til evig tid, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

5. Sondag i Kristi Openberrings-tida.

Kollekt:

Herre Gud, Far i himmelen! Vi takkar deg som har sådd den gode sed, ditt heilage ord, i hjarto våre. Vi bed deg at du ved din Heilage Ande vil lata denne sed bære rik frukt her hjå oss. Vern oss mot den vonde fienden så han ikkje får sådd ugras i vår hjartejord, vakta oss for å verta kjøtleg trygge, vara oss i otte for deg, og hjelp oss i alle freistingar, til vi vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Førfasten:

Vingårdssundagen. Septuagesima.

Kollekt:

Herre Gud, Far i himmelen, du som har kalla oss inn i vingarden din ved ditt heilage ord, vi bed deg: Gjev oss din Heilage Ande i hjarto våre, så vi arbeider trutt i vingarden, vaktar oss for synd og skam, lever i lydnad mot din vilje, og ikkje lit på vår eiga fortjeneste, men einast på din nåde, som du så rikeleg har synt oss i din kjære Son, Jesus Kristus, vår Herre, han som lever og råder saman med deg i eining med Den Heilage Ande, ein sann Gud frå æve og til æve.

Såmannssundagen. Seksagesima.

Kollekt:

Herre Gud, Far i himmelen! Vi takkar deg som ved Son din, Jesus Kristus, har sådd ditt heilage ord her hos oss. Vi bed deg at du vil reinsa og fornya hjarto våre ved din Heilage Ande, så vi trutt høyrer ordet ditt, gøymmer det i gode hjarto, og ber frukt av det i tålmod. Styrk oss i trua og løys oss frå synda si makt, og trøysta oss når vi vert forfylgde, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Kristi Forklåringsdag.

Kollekt:

Evige, miskunnsame Gud, Far i himmelen! Vi takkar deg som har late ljuset frå ditt heilage evangelium lys skina mellom oss, og har openberra herlegdomen åt Son din. Vi bed deg: Vekk oss opp ved dette ljuset, og styrk oss med din nåde, så vi i ein kristeleg livnad kan ferdast i tru og gode gjerningar, til me når det fullkomne ljuset og vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Fastetida:

Fastetida, allmenn.

Kollekt:

Anten

Evige Gud, Far i himmelen, gjev oss med takksame hjaro å koma vår Herre Jesu Kristi liding i hug og ved din nåde få forlating for syndene, for Son din, Jesu Kristi vår Herre skuld, som med deg lever og råder saman med deg i eining med Den Heilage Ande, ein sann Gud frå æve og til æve.

eller

Evige Gud, Far i himmelen, du som høyrer bønene våre og med di sterke hand vil verja oss i naud og fåre, me bed deg: Frels oss frå mørkret si makt, så me alltid kan ferdast som born av ljuset, ved din kjære Son, Jesus Kristus, vår Herre, som med deg lever og råder saman med deg i eining med Den Heilage Ande, ein sann Gud frå æve og til æve.

Sundag før Faste. Fastelavnssundag. Quinquagesima.

Kollekt:

Herre Gud, Far i himmelen, du som etter din evige vilje let Son din, Jesus Kristus, døy for syndene våre, og har tala om dette gjennom dine heilage profetar, vi bed deg at du vil opna augo våre ved din Heilage Ande, så vi kan kjenna han som døydde i vår stad fylgja han på lidingsvegen, og med han nå frem til oppstoda frå dei døde, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. Sundag i Fastetida. Quadragesima.

Kollekt:

Herre Gud, Far i himmelen! Vi vert alltid freista av den vonde fienden, for han går omkring som ei brølende løve og vil finna nokon å gløypa. Difor bed vi deg for Jesu Kristi lidings og døds skuld: Kom oss til hjelp med din Heilage Ande. Styrk hjarto våre med ordet ditt, så den vonde fienden ikkje får makt over oss, men hald oss fast i nåden til vi vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

2. Sundag i Fastetida. Reminiscere.

Kollekt:

Herre Gud, Far i himmelen! Vi bed deg at du vil styrkje hjarto våre ved din Heilage Ande og gjera oss visse i trua på din nåde og di miskunn. Vi er syndige og uverdige og veit at vi lyt ottast deg, og difor bed vi: Hald oss fast ved din nåde så vi finn hjelp og berging einast hjå deg i all naud og freisting. Ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

3. Sundag i Fastetida. Oculi.

Kollekt:

Herre Gud, Far i himmelen! Vi takkar deg av di du let din einborne Son, Jesus Kristus, verta menneske, for at han skulle gjera ende på djevelens gjerninger og verna oss mot den vonde fienden. Vi bed deg: Reis deg. Herre i ditt velde og kom oss til hjelp i all freisting og anfekting, Vakta oss mot kjøtleig tryggleik, og lat din Heilage Ande halda oss fast i ordet ditt og i otte for deg, så vi alt til enden kan verta fridd fra den onde fienden, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Midtfastesundag. Laetare.

Kollekt:

Allmektige Gud, Far i himmelen, du som ved Son din rikeleg metta dei fem tusen i øydemarka, vi bed deg: Vær i nåde hjå oss med din Heilage Ande, så vi ikkje arbeider for den mat som forgår, men for den som gjev evig liv, det levande brødet som kjem ned fra himmelen, ved din kjære Son, Jesus Kristus, vår Herre, som med deg lever og råder saman med deg i eining med Den Heilage Ande, ein sann Gud frå æve og til æve.

5. Sundag i Fastetida. Judica.

Kollekt:

Heilage Gud, Far i himmelen! Vi takkar og prisar deg av di du har valt ut din einborne Son, Jesus Kristus, til å gå i døden i staden for oss, og berga oss frå undergangen. Vi bed deg. Send ut din Ande og drag hjarto våre til han som vart gjennomstungen, så vi som er kjøpte fri ved hans blod, kan verta frelste i trua og til sist samlast kring din kongsstol i evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Marimesse.

Kollekt:

Allmektige Gud, Far i himmelen, du som i din useielege nåde sendte Son din til verda, avla ved Den Heilage Ande, født av Maria møy, vi bed deg at vi som av naturen er falne menneske, for Jesu Heilage fødsels skuld må verta reinsa frå synd og nyskapte etter ditt bilde, så vi med Maria kan fryda oss over di frelse og få evig liv, ved din kjære Son, Ved Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Palmesundag.

Kollekt:

Anten

Heilage Gud, Far i himmelen! Vi arme syndarar takkar og lovar deg som ikkje sparte din eigen Son, men gav han i ein tenars skapnad, så han nedra seg sjølv, og vart lydig til døden, ja, døden på krossen. Vi bed deg: Gjev oss din Heilage Ande, så vi kan kjenna han, vår rettferds konge og øvsteprest, nyta frukta av hans lidning og død, og fylgja etter han i audmykt og lydnam, til dess vi når fram til det evige mål hjå deg, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller

Herre Jesus Kristus, Guds Son, du som tok en tenars skapnad på deg, nedra deg sjølv, vart lydig til døden, ja, døden på krossen, vi bed deg: Gjev oss ved din Heilage Ande å kjenna deg, vår rettferds konge og øvsteprest, så vi får del i velgjerningane du vann oss med di lidning og din død, og fylgjer etter deg i audmykt og lydnam, til dess vi når fram til det nye Jerusalem som du har gjort ferdig for dine, du som med Faderen lever og råder i eining med Den Heilage Ande, ein sann Gud frå æve og til æve.

Skjærtorsdag.

Kollekt:

Herre Jesus Kristus! Vi takkar deg av di du i din store nåde har innsett den heilage nattverden, der du gjev oss din eigen lekam og ditt dyre blod. Vi bed deg: gjev oss din Heilage Ande, så vi ikkje bruker dine gåver uverdige, men sannar syndene våre, og kjem i hug din lidning og død til forlating for syndene. Gjev oss dag for dag å gå fram i tru og kjærleik, til vi ein dag sit til bords med alle dine i ditt fullkomne rike, du som med Faderen lever og råder i eining med Den Heilage Ande, ein sann Gud frå æve og til æve.

Påsketida:

Påsketida. Allmenn.

Kollekt:

Evige Gud, Far i himmelen. Me takkar deg at du førde Son din opp frå grava. Gjev oss at me får del i hans siger over synd og død og til sist får erva det evige livet, ved din kjære Son, Jesus Kristus, vår Herre, som med deg lever og råder saman med deg i eining med Den Heilage Ande, ein sann Gud frå æve og til æve.

Påskennatt/1. Påskedag.

Kollekt:

Herre, du levande Gud, Far i himmelen! Vi prisar ditt heilage navn, og takkar deg av di du gav Son din Jesus Kristus i døden for våre synder og reiste han opp til vår rettferdiggjering. Vi bed deg: Styr og lei oss ved din Heilage Ande og hald oss oppe i ei sann tru, vakta oss mot alle synder, og vekk oss etter dette livet opp til det evige liv, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

2. Påskedag.

Kollekt:

Herre Gud, Far i himmelen, du som openberra Son din for dei to læresveinane på vegen til Emmaus, vi bed deg: Opplys óg hjarto våre ved ordet ditt og din Heilage Ande, så vi kan verta sterke og stødige i trua, halda fast på ordet ditt, bruka det rett og gjerne tala om det. Og skal vi, som vår Herre Jesus

Kristus, lida mykje vondt her på jorda, så lat oss alltid ha ei fast trøyst av ordet ditt, til vi etter dette livet skal vekkjast opp att til evig liv, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. Sundag i Påsketida. Quasi modo geniti.

Kollekt:

Herre Gud, Far i himmelen! Vi takkar deg for din useielege nåde, at du ved Son din, Jesus Kristus, har gjeve di kyrkja det heilage evangeliet og dei høgverdige sakramenta for å trøysta oss og gje oss forlating for syndene. Vi bed deg: Gjev oss din Heilage Ande, så vi av hjarta trur ordet ditt, og dag for dag vert styrkte i trua ved dine heilage sakrament, til dess vi vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

2. Sundag i Påsketida. Misericordias Domini.

Kollekt:

Herre Gud. Far i himmelen, du som i di miskunn har kome i hug oss syndige menneske, og sett din kjære Son til hyrding over oss så han kan fø oss med sitt ord og verja oss mot synda, døden og djevelen, vi bed deg: Gjev oss ved din Heilage Ande å kjenna han, halda oss nær til han, søkja hjelp og trøyst hjå han, og av hjarta fylgja hans røyst, han som kjenner oss og tek seg av oss i vår naud, til dess vi vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

3. Sundag i Påsketida. Jubilate.

Kollekt:

Herre Gud, Far i himmelen, du som med ein Fars miskunn held dine barn i age her på jorda, så vi kan vera lik din einborne Son i lidning og sidan i herlegdom, vi bed deg: Trøysta oss under kross og trengsel med din Heilage Ande, så vi ikkje sig ned i vonløyse, men stendig lit på Jesu lovnad om at sorga vår varer berre ei lita stund, og så kjem evig glede. Gjev oss i denne vona å vinna over alt med tålmod, og så verta evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

4. Sundag i Påsketida. Cantate.

Kollekt:

Herre Gud, Far i himmelen, du som ved Son din lova å senda Den Heilage Ande, for at han skal vera din Talsmann og gjera det klårt for verda kva synd er, rett er og dom er, vi bed deg: Lys opp hjarto våre så vi sannar syndene våre, og ved trua på Kristus vert evig rettferdige. Gjev oss i all naud og anfekting å halda fast på den trøysta at Kristus er Herre over djevelen, døden og alle ting, og fria oss frå alt vondt og gjer oss evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

5. Sundag i Påsketida. Rogate.

Kollekt:

Herre Gud, Far i himmelen, du som ved Son din har gjeve oss barnekår, og lova at du vil gje oss alt det vi bed om i hans namn, vi bed deg: Hald oss fast ved ordet ditt, og gjev oss din Heilage Ande, så han kan styra og leia hjarto våre etter din vilje, vakta oss mot djevelens åtak, falsk lærdom og rang gudsyndyrking. Vara lekam og liv frå ulukke, og gjev oss velsigning og fred, så vi i alle ting får kjenna di nådige hjelp og lovar og prisar deg som vår himmelske Far først her i tida og siden i all æve, ved din kjære Son, Jesus Kristus, vår Herre, som med deg lever og råder i eining med Den Heilage Ande, ein sann Gud frå æve og til æve.

Helgetorsdag.

Kollekt:

Herre Jesus Kristus, du allmektige Guds Son, som ikkje lenger er fattig og arm her på jorda, men sit ved Faderens høgre hand og er Herre over alle ting, vi bed deg: Send oss din Heilage Ande, og gjev din

kirke gudlege tenarar. Vak over ordet ditt, hald Satan og alle valdsmenn i taumar, og hald med ditt velde ditt rike oppe på jorda, til dess alle dine fiendar ligg under føtene dine, du som med Faderen lever og råder i eining med Den Heilage Ande, ein sann Gud frå æve og til æve.

6. Sundag i Påsketida. Exaudi.

Kollekt:

Herre Gud, Far i himmelen! Vi takkar deg av di du ved din Heilage Ande har sett oss til å vitna om Son din, vår kjære Herre Jesus Kristus. Siden verda ikkje kan tola dette vitnemålet, men alltid står imot det, bed vi deg at du vil gje oss frimod og trøyst, så vi ikkje styggjest av krossen, men held fast ved vitnemålet, og alltid er mellom dei som kjenner deg og Son din, til dess vi vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Pinsetida:

Pinsetida, allmenn:

1. Pinsedag. Kvitsunn.

Kollekt:

Herre Jesus Kristus, du allmechtige Guds Son! Vi prisar ditt heilage navn, du som let Andens eld koma over apostlane og gjorde deg eit folk av alle ætter og tungemål. Vi bed deg: Gjev oss ved ditt bord Den Heilage Ande i hjarto våre, så han kan styra og leia oss etter din vilje, trøysta oss i all naud og freisting, rettleia oss i din sanning, og vakta oss mot all villfaring. Gjer oss støe i trua, før oss fram i kjærleik og alle gode gjerningar, og lat oss verta evig sæle i ei fast von til den nåde du har vunne oss ved di lidning og død, du som med Faderen lever og råder i eining med Den Heilage Ande, ein sann Gud frå æve og til æve.

2. Pinsedag.

Kollekt:

Anten

Herre Gud, Far i himmelen, du som med ein Fars kjærleik til oss arme syndarar har gjeve oss din einborne Son for at vi skal tru på han og verta frelste, vi bed deg: Gjev din Heilage Ande i hjarto våre, så vi vert støe i trua heilt til enden, og så vert evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

eller

Evige Gud, Far i himmelen, du som gav apostlane Den Heilage Ande, gjev oss den same Ande, så me kan tilbe og tena deg i ånd og sanning. Sjå i nåde til di kristne kyrkja, gjev henne di kraft og din fred, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Treiningstida, allmenn I

Kollekt:

Evige Gud, Fader, Son og Heilage Ande. Vi lovar og prisar deg av di du har openberra deg for oss små og veike menneske. Me bed deg, heilage trieinige Gud: Hald oss fast i trua på deg, du som lever og råder, ein sann Gud frå æve og til æve.

Treiningstida, allmenn II

Kollekt:

Evige Gud, Far i himmelen, du som etter ditt ord og din lovnad aldri går ifrå dine born på jorda, me bed deg: Gjev oss å ottast og elska deg over alle ting og lita fullt og fast på deg, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Den Heilage Trieiningssundag.

Kollekt:

Heilage Gud, Far i himmelen! Du har ved Son din, Jesus Kristus, sagt oss at det som er født av kjøt er kjøt, og ikkje kan sjå ditt rike. Vi sannar at det ikkje bur noko godt i vårt kjøt, og at vi av oss sjølve går til grunne i synd og evig død. Difor bed vi: Send din Heilage Ande i hjarto våre og gjer nye menneske av oss for Jesu Kristi skuld, så vi fullt og fast trur forlating for syndene, som vart gjeve oss i dåpen, og lat oss dag for dag veksa i kjærleik til nesten og i all god gjerning, til dess vi vert evig sæle, ved din kjære Son, Jesus Kristus; vår Herre, som med deg lever og råder saman med deg i eining med Den Heilage Ande, ein sann Gud frå æve og til æve.

2. Sundag i Treeiningstida.

Kollekt:

Herre Gud, Far i himmelen, du som ved din Heilage Ande vil vekkja opp og styra hjarto våre, vi bed deg: Gjev at vi ikkje, som den rike mannen høyrer ordet ditt utan frukt, og for dei timelege ting gløymer dei evige. Vekk og styr hjarto våre ved din Heilage Ande, så vi friviljug og gåvmildt hjelper fattige, ikkje lever i hovmod og vellivnad, eller vert motlause under kross og ulukke, men set all vår lit til din evige nåde og di hjelp, og vinn over alt med tålmod, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

3. Sundag i Treeiningstida.

Kollekt:

Herre Gud, Far i himmelen! Vi takkar deg av di du ved ditt Heilage ord har kalla oss til det evige livs måltid. Vi bed deg: Vekk opp hjarto våre ved din Heilage Ande, så vi ikkje hører ordet ditt til fånyttes og let noko i denne verda hindra oss, men fylgjer ditt nådige kall og kjem til ditt gjestebod, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

4. Sundag i Treeiningstida.

Kollekt:

Herre Gud, Far i himmelen! Vi er alle som villfarande sauar, og har late Satan og vårt eige syndige kjøt føra oss bort fra den rette vegen. Vi bed deg: Vær oss nådig og forlat oss alle våre synder for Son din, Jesu Kristi, skuld. Vekk opp hjarto våre ved din Heilage Ande, så vi held fast ved ordet ditt, og med rett anger og stødig tru vert verande i di kristne kyrkje alt til endes, og så vert evig sæle, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

5. Sundag i Treeiningstida.

Kollekt:

Herre Gud, Far i himmelen, du som er barmhjertig, og ved Jesus Kristus har lova at du ikkje vil fordøma oss, men nådig forlata alle syndene våre og gje oss det vi treng til lekam og sjel, vi bed deg at du ved din Heilage Ande vil gjere trua på di miskunn viss og fast i hjarto våre. Lær oss å vere miskunnsame mot vår neste, så vi ikkje fordømmer nokon, men tilgjev kvar og ein, ikkje forsømer nokon, men heller dømmer oss sjølve, og så vert evig sæle i otte for deg, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

6. Sundag i Treeiningstida. Aposteldagen.

Kollekt:

Herre, du levande og trufaste Gud! Vi lovar og prisar ditt Heilage navn av di du har gjeve oss din egen Son som vårt frelsefjell, og ved ordet om han byggjer di kyrkje på apostel-og profetgrunnvollen. Vi bed deg: Driv arbeidarar ut til di haustvinne, hold tenarane dine fast ved ditt ord, og gje dei å forkynna det klårt og reint, til tukt og til trøyst. Gjev folket ditt øyro til å høre din røyst, og frels oss frå trass mot ordet, så ljuset ditt ikkje må takast frå oss, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

7. Sundag i Treeiningstida.

Kollekt:

Heilage Gud, Far i himmelen! Vi sannar at vi er arme og hjelpelause syndarar, og at det ikkje er noko godt i vårt kjøt. For både hjarto og natur er så forgifta av synda, at vi her i verda ikkje kan vera utan den vonde hug i hjarta. Derfor bed vi deg, kjære Far, for Jesu Kristi skuld: Tilrekna oss ikkje våre misgjerningar. Reinsa hjarto våre ved din Heilage Ande, så vi får hug og kjærleik til ditt ord, lever etter det, og vert evig sæle av din nåde, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

8. Sundag i Treeiningstida.

Kollekt:

Herre Gud, Far i himmelen, du som ved Son din rikelig metta dei mange tusen i øydemarka, vi bed deg: Vær nådig her hjå oss med di velsigning. Vara oss for gjerrigskap og verdslege suter, og gjev at vi først søkjer ditt rike og di rettfærd, og kan kjenna di faderlige hjelp i alt vi treng til lekam og sjel, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

9. Sundag i Treeiningstida. (endra)

Kollekt:

Heilage Gud, Far i himmelen! Vi takkar deg av hjarta av di du har latt oss kjenna ditt heilage ord. Vi bed deg at du nådig vil halda oss i nåde fast ved Ordet, så vi frimodig sannar det til vår siste dag. Send oss biskopar, prestar, diakonar og forkynnarnar som lærer folket med truskar, og vara dem for usømd og alt vondt. Vakta di arme kyrkja mot vrang lærdom og hindra deira gjerning som forfalskar ditt ord, så di sanne kristne kyrkja framleis må stå grunnfesta mellom oss, og stå mot alle falske hyrdingar, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

10. Sundag i Treeiningstida. (endra)

Kollekt:

Herre Gud, Far i himmelen, du som velsignar arbeidet vårt, og gjev oss vårt daglege brød, meir enn vi kan skjønna, vi bed deg: Vara oss for grådigskap, og vekk opp hjarto våre, så vi villig deler av di velsigning med dei fattige, du kan finna oss som trugne forvaltarar av dine gåver, og vi ikkje vert stående utan din evige nåde når du løyser oss frå dette hushaldet og vi kjem for din dom, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

11. Sundag i Treeiningstida.

Kollekt:

Allmektige, evige Gud! Vi lovar og prisar deg av di du ved din Heilage Ande har openberra oss ordet om din kjære Son, Jesus Kristus. Vi bed deg: Vekk opp hjarto våre, så vi med alvor tek ordet til oss, og ikkje høyrer det i vantru og vert utan frukt liksom ditt folk Israel. Gjev oss å leva i otte for deg, dagleg veksa i trua på din miskunn, og så til sist verta evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

12. Sundag i Treeiningstida. (endra)

Kollekt:

Heilage Gud, Far i himmelen! Vi bed deg at du vil styre hjarto våre slik ved din Heilage Ande at vi ikkje gløymer syndene våre og set oss sjølve høgt. Men gjev oss ein rett anger og ei dagleg omvending, og lat oss eiga den trøyst at du for din kjære Sons skuld vil være oss nådig, forlata syndene våre, og gjera oss evig sæle, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

13. Sundag i Treeiningstida.

Kollekt:

Allmektige, evige Gud! du som har skapt alle ting, vi takkar deg av di du har gjeve oss liv og helse, og nådig varer oss mot skade, fære og den onde fiende. Vi bed deg: Sjå i nåde til oss, så vi med øyro våre trutt høyrer ordet ditt og tek det til hjarto, og med tunga vår prisar og høglovar di miskunn, så talen vår ikkje støyter nokon, men er deg til ære og vår neste til gagn, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

14. Sundag i Treeiningstida.

Kollekt:

Miskunnsame Gud, Far i himmelen! Vi takkar deg av hjarta av di du har latt oss leve i denne sæle tid, da vi kan høyra ditt heilage evangelium, kjenna din vilje, og sjå Son din, Jesus Kristus. Vi bed deg for di store miskunn at du vil lata oss få ha ljuset av ditt heilage ord. Styr hjarto våre ved din Heilage Ande, så vi aldri fell frå Ordet, men held fast ved det inntil vi vert evig sæle, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

15. Sundag i Treeiningstida. (endra)

Kollekt:

Herre Gud, Far i himmelen! Du har berga oss som trur frå synda si ureine og tunge plage ved ditt sæle ord og det heilage dåpssakramentet. Gjev oss dagleg din nådige hjelp i alt vi treng. Vi bed deg: Vekk opp hjarto våre ved din Heilage Ande, så vi aldri gløymer dine velgjerningar, men støtt lever i otte for deg og i ei fast tru på din miskunn alltid lovar og prisar deg av takksame hjarto, ved din kjære Son, Jesus Kristus, vår Herre, som med deg og Den Heilage Ande lever og råder, ein sann Gud frå æve og til æve.

16. Sundag i Treeiningstida.

Kollekt:

Allmektige Gud, Far i himmelen! Vi takkar deg for alle dine velgjerningar imot oss, du som har gjeve oss livet og nådig halde oss oppe til denne dag. Vi bed deg: Ta ikkje din velsigning frå oss, men vakta oss frå gjerrigskap, så vi ikkje tenar Mammon og øydelegg sjela med avgudsdyrking. Gjev oss å elska og tena einaste deg og vera fast hjå deg i tillit til din nåde, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, en sann Gud frå æve og til æve.

17. Sundag i Treeiningstida.

Kollekt:

Herre, du levande Gud og Far! Vi takkar deg av di du har late din einborne Son verta menneske, for at han med sin død skulle gjera opp for våre synder, og med sitt liv frelsa oss frå den evige døden. Du som med eit ord skapte liv av døde, vi bed deg: gjer den vona fast i hjarto våre at du vil vekkja oss opp på den siste dagen og gjere oss evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

18. Sundag i Treeiningstida.

Kollekt:

Herre Gud, Far i himmelen! Vi takkar deg for kviledagen som du har sett til samlingsdag for di kyrkje på jorda. Vi bed deg: Gjev oss din Heilage Ande i hjarto våre, så vi stendig søker ditt hus og høyrer ditt ordet, og slik held en heilag sundag saman med kyrkjelyden. Styr og leid oss ved din Ande, så vi ikkje opphøgjer oss sjølve, men audmykt lever i din otte og set all vår lit til Son din, Jesus Kristus, han som åleine er vår rettferd og forløysing. Vara oss for menneskebod og lovtrældom, så vi rettar livet vårt etter ditt ord, og ein gong går inn til den evige kvila, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

19. Sondag i Treeiningstida.

Kollekt:

Heilage Gud, Far i himmelen! Du har openberra di heilage lov og avsløra oss som arme og fortapte syndarar for deg. Din vilje kjennar vi, men maktar ikkje å leva etter han på grunn av vårt kjøt og den vonde freistaren vil heller ikkje lata oss i fred. Vi bed deg: Gjev oss din Heilage Ande i hjarto våre, så vi i ei sann tru held oss nær til din Son, Jesus Kristus, og trøystar oss til hans lidning og død. Gjev oss å vandre i ein heilag livnad til dess vi, ved din nåde, døyr sæle bort frå denne verda, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

20. Sondag i Treeiningstida.

Kollekt:

Allmektige, miskunnsame Gud, du som ved Son din Jesus Kristus let lame gå og blinde sjå, og dagleg hjelper oss til lekam og sjel, vi bed deg: Ver nådig mot oss og, tilgjev oss alle våre synder, og ver hjå oss i sjukdom og naud med lækjedom og trøyst. Styr hjarto våre ved ditt ord og din Ande, så vi ikkje gjev årsak til sjukdom eller anna ulukke. Vara oss i otte for deg, så vi av nåde vert frelste frå din vreide og di straff både her i tida og siden i all æve, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

21. Sondag i Treeiningstida.(Endra)

Kollekt:

Allmektige Gud, Far i himmelen! Vi takkar deg av di du har innsett det heilage ekteskapet sitt mysterium, og der gjev oss ein velsigna heim og varer oss mot sedløyse. Vi bed deg: Gjev alle ektefolk otte for deg, så dei ikkje lever i vreide og strid, men i kjærleik og fred, og hjelper kvarandre fram mot det evige liv. Gjev oss å oppdra våre born etter din vilje, ferdast for di åsyn i ein rein og heilag livnad, og vara oss gjennom all naud og freisting, til vi ein gong går inn til bryllaupsmåltidet åt Lammet, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

22. Sondag i Treeiningstida.

Kollekt:

Miskunnsame Gud, Far i himmelen, du som ved Son din Jesus Kristus har grunna eit nåderike for oss her i di heilage kristne kyrkja, og openberra for umyndige det du har løynt for vise og vituge, vi bed deg: Forlat oss nådig alle våre synder, gjev sjelene våre kvila hjå Son din, og etter vår stutte tid her på jorda verta evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve. *(Denne bønna stammar frå 26 s e treeining med Matt 11 som hovudtekst. No samsvarar ho ikkje heilt med tekstane og burde skrivast om i samsvar med dei.)*

Bots- og Bønedagen.

Kollekt:

Miskunnsame Gud, Far i himmelen, du som tilgjev synd, og syner miskunn mot alle som kaller på deg av et angerfullt hjata, vi bed deg, kjære Far: Forlat oss alle misgjerningane våre for Jesu Kristi skuld, og gjev oss din nåde, så vi legg av all urettferd og vender om til deg av eit heilt hjarta. Gjev at vi ved Son din må leva i tru og lydnad, og ved din Ande bera dei rette omvendings frukter, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Helgemessesundagen.

Kollekt:

Allmektige, evige Gud, du som helgar alle dei du har valt deg ut ved din kjære Son, Jesus Kristus, og fullfører di gjerning i dei, vi bed deg: Gjev oss ved din Heilage Ande å bera rikeleg frukt for deg, så vi kan følgja etter dine heilage i tru, von og kjærleik, og så med dei verta evig sæle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

23. Sundag i Treeiningstida.

Kollekt:

Heilage Gud, Far i himmelen! Vi sannar at vi er fortapte syndarar som står i djup skuld til deg. Men vi takkar deg av hjarta av di du har teke all vår skuld frå oss og lagt på din kjære Son, Jesus Kristus. Vi bed deg: Hald oss oppe i trua på han, og styr hjarto våre ved din Heilage Ande, så vi lever etter din vilje og elsker og tenar vår neste. Løys oss frå vreide og hemntankar, så vi ikkje fører vreide over oss, men får kjenna deg som vår nådige Far, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

24. Sundag i Treeiningstida.

Kollekt:

Allmektige Gud, Far i himmelen! Vi takkar deg som gjev oss fred i landet, og varar oss fra krig og framandt herrevælde. Vi bed deg: Sjå i nåde til dei som lever i naud og ufridom. Gjev at vi kan leva i otte for deg og etter din vilje, så vi ikkje vert årsak til ufred og annan straffedom. Lei og råd styresmaktene våre, så dei ikkje hindrar den lydnamen vi som folk skuldar deg, men fremjar alt som er rett og godt i dine augo, og slik lever under di velsigning, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

25. Sundag i Treeiningstida.

Kollekt:

Allmektige, evige Gud, du som ved Son din har lova oss forlating for syndene og frelse frå dødens makt, vi bed deg: Styrk oss ved din Heilage Ande, så vi dagleg veks i trua på din nåde i Kristus, og har den faste von at vi, når vi går ut av dette livet, ikkje skal døy, men sovna inn i fred for å vera heime hjå Herren, og på den siste dagen vekkjast opp att til det evige liv, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

26. Sundag i Treeiningstida.

Kollekt:

Herre Gud, Far i himmelen! Vi takkar deg som ved ditt ord har opna veg for oss ut or lovtreldoms myrker og inn i ditt nådeljos. Vi bed deg: Tak ikkje dette ljuset frå oss, men vara oss i nåde fra all forføring og villfaring. Gjev at vi tek imot ordet ditt av eit heilt hjarta og rettar oss etter det, vaker og bed, og set all vår lit til din nåde og din Sons dyre forløysing, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve. *(Denne bøna stammar frå 25 s e treeining. No samsvarar ho ikkje med tekstane og burde skrivast om i samsvar med dei.)*

27. Sundag i Treeiningstida.

Kollekt:

Allmektige, evige Gud! Vi lovar og prisar deg som ved Jesu død har grunnfest ditt rike på jorda og ved det heilage evangeliet breier ut hans herrevælde. Vi bed deg: Send ut din Ande og hald oss fast i trua på Jesus. Fullfør din gjerning for oss til du har lagt alle ting under hans føter, og du vert alt i alle, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Siste søndag i Kirkeåret. Domssundag. Kristi Kongefest.

Kollekt:

Heilage, allmechtige Gud! Vi takkar deg av di du har opphøgd din einborne Son, vår Frelsar, og sett han ved din høgre hand, til konge og domar over levande og døde. Vi sannar for deg at vi er uverdige tenarar, for ingen som lever, er rettferdige for di åsyn. Vi bed deg: Herre, stryk ut våre brot, og lær oss ved din Heilage Ande å vaka og be, så vi ikkje må falle i svevn eller verta utan trua sine frukter. Gjev oss ei sann tru på Son din, så vi kan ha frimod på domedag, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

1. mai/17.mai.

Kollekt:

Herre Gud, Far i himmelen! Du har skapt himmel og jord og held oppe alle ting ved ditt allmakts ord. Vi takkar deg og sannar at vi er ringare enn all den miskunn du har synt oss. Vi bed deg: Bygg landet vårt i rettferd og fred, og gjev styresmaktene våre å fremja din gode vilje. Reis deg, Herre, og løys dei trelka or tvang, gjev fangar fridom, og hindra valdsmenn i all deira ferd. Gjev folket vårt otte for deg og age for ditt ord, så vi kan leva til di æra og til gagn for nesten, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Ymse kollektar:

Ved skule/barne og familiegudstenester. Allmenn.

Kjære Gud Fader i himmelen! Vi takkar deg for du tok oss til dine born i dåpens sakrament og let oss veksa opp i di kristne kyrkja og få høyra ordet ditt og læra å kjenna deg, vår kjære Fader, og din Son, Jesus Kristus, vår Frelsar. Vi bed deg, gjev oss din Heilage Ande, så me kan gøyma ordet ditt i gode hjarto og leva etter det, venda oss frå alt vondt og vera gode og kjærlege mot kvarandre liksom du er god imot oss, og til slutt samlast hjå deg i himmelen, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

Misjonskollektar:

For Israel og Israelsmisjonen.

Abraham, Isaks og Jakobs Gud, vår Herre Jesu Kristi Far! Vi lovar og prisar deg for dei store og herlege løfte du har gjeve folket ditt Israel. Vi takkar deg for at du har berga dette folket gjennom alle tider, og bed om at du må gi det ei framtid i fridom og fred. Du som ikkje angrar nådegåvene dine og utveljinga di; Kom i hug løftet ditt til fedrane og lei Israels folk til tru, så dei kan sjå og kjenna at Jesus er Messias. Velsign tenesta for evangeliet blant det jødiske folket. Styrk dei som sannar Jesusnamnet og oppreis nye vitne av Israels eiga ætt. Tilgjev at vi så lite har makta å vitna for dei om kjærleiken din i Jesus Kristus. Vekk kyrkja vår til fornya ansvar for jødane. Miskunn deg over folket ditt for Jesu Kristi skuld! Miskunn deg over alle!

DEN NORSKE ISRAELSMISJON, SOM VED UTGJEVINGA SA AT DENNE OG DEN FØLGJANDE BØNA HØVDE BEST SOM EKSTRA KOLLEKT I FORLENGING AV KYRKJEBØNA.

Eller

Heilage Gud, himmelske Far! Du som i Sonen din Jesus Kristus brakte ein dag med frelse til Israel og folkeslaga: Vi takkar deg for at folket vårt som ein gong var utan von og utan Gud i verda, har fått del i den velsigninga som var lova Abraham og ætta hans til evig tid. Vi bed deg audmjukt: Sjå i nåde til det folket du frå først av gav dine løfte, og lat dei få kjenna evangeliet si frelsande kraft. Vi bed om fred over Israel, og ser med von fram til den dagen den truande kyrkjelyden av alle folk og tungemål tek imot Son din Jesus Kristus når han kjem i herlegdom. Han er Konge over kongane og Herre over herrane; Han vere ære i all æve.

DEN NORSKE ISRAELSMISJON, SJÅ BØNA OVER

Eller

Rettferdige og miskunnsame Gud! Din plan og di utveljing med ditt folk står ved lag, og den er ikkje avhengig av menneskegjerningar, men berre av deg som kallar. Du gjer miskunn mot den du vil og forherdar kven du vil. Men i din ufattelege nåde har det vorte att ein rest av Israel som du har valt deg ut, og ved din miskunn skal ein dag heile Israel verta frelst. Vi bed deg, tak bort sveipet frå augo på folket ditt, så dei med tru kan sjå opp til han som vart gjennomstunge, og saman med oss nå det som var lova til Abraham, Isak og Jakob, ved Jesus Kristus, din kjære Son, vår Herre! Amen.

ETTER ALTARBOKA 1920, HER REVIDERT.

For heidningefolka og heidningemisjonen.

Herre Gud, Far i himmelen! Du som vil at alle menneske skal verta frelste og koma til å kjenna sanninga, vi bed deg, send dine vitne ut til heimsens endar, og lat dei forkynna di frelsa for alle dei som sit i mørker og dødsskugge, så dei som ikkje kjenner deg kan læra å prisa ditt navn og ferdast saman med alle som trur på deg i ditt ljøs, ved din kjære Son, Jesus Kristus, vår Herre, som lever og råder saman med deg i eining med Den Heilage Ande, ein sann Gud frå æve og til æve.

For folket vårt og misjonen i Norge:

Miskunnsame Gud, vår Herre Jesu Kristi Far! Du vil ikkje at nokon syndar skal døy, men omvenda seg og leva. No bed me deg, sjå i nåde til nauda hjå ditt kristenfolk, leita opp dei bortkomne, før heim att dei som er drivne bort, bind om det sundbrotne, styrk dei veike, til pris og æra for ditt heilage namn. Hjelp oss alle å kjenna kallet for våre landsmenn. Styr og leid med din Heilage Ande alle som arbeider for ditt rike mellom oss. Gjev visdom og kraft til dei som går ut med ditt Ord, så det kan bera rik frukt til omvending og nytt liv. Det bed vi deg om, ved Jesus Kristus, din kjære Son, vår Herre! Amen.

Takkekollektar:

Takkekollekt for nattverden.

Vi takkar deg, Herre, allmechtige, evige Gud, for du har kveikt oss med dine sæle gåver. No bed me deg at du med desse gåvene dine vil styrkja vår tru på deg, og gjera kjærleiken brennande oss imellom, og stadfesta i oss vona om eit evig liv, for Son din, Jesu Kristi vår Herre skuld! Amen.

**TAKKEKOLLEKT FOR NATTVERDEN,
HØGMESSA AV 1920.**

Takkekollekt for ordet, I

Herre Gud, Far i himmelen! Vi takkar deg for di faderlege velgjerning, at du av din store nåde og miskunn har gjeve oss ditt heilage ord, og med det samlar di kristne kyrkje her hjå oss og. Vi bed deg: Send oss din Heilage Ande, så vi med takksame hjarto må ta ordet ditt til oss og skikka oss etter det, og alltid veksa i kristeleg tru og von og kjærleik, og så verta evig sæle, ved din kjære Son, Jesus Kristus, vår Herre, som lever og råder saman med deg i eining med den Heilage Ande, ein sann Gud frå æve til æve!

**TAKKEKOLLEKT FOR ORDET,
HØGMESSA AV 1920.**

Takkekollekt for ordet, II

Herre Gud, himmelske Far. Vi takkar deg av hjartans grunn for at du har late oss leva i denne sæle tida, då vi kan høyra ditt heilage evangelium og kjenna din faderlege vilje. Vi bed deg for di store miskunn at du vil lata oss få ha ljøset av ditt ord, og styra hjarto våre så med din Heilage Ande, at vi aldri må falla frå ordet ditt, men halda fast på det, og til slutt verta sæle, ved din kjære Son, Jesus Kristus, vår Herre.

**TAKKEKOLLEKT FOR ORDET,
HØGMESSA AV 1920.**

Takkekollekt i fastetida og på langfredag. ”Fastekollekten.”

Vi takkar deg, Gud Fader, for du har gjeve oss din einborne Son, Jesus Kristus, så kvar den som trur på han, ikkje skal gå fortapt, men ha evig liv. Me takkar deg, Jesus Kristus, for du har bore alle våre synder på din heilage lekam og med ditt blod sletta ut alle våre misgjerningar. Me takkar deg, du heilage Ande, for du har gjeve oss den trua i hjarto våre, at den krossfeste og oppstandne Jesus Kristus er vår einaste berging og frelse. Å Gud, gjev oss din nåde, så me trur fullt og fast at alle våre synder er oss tilgjevne for Jesu Kristi lidning og død skuld, og opplys oss så med din gode Heilage Ande, at me dagleg kan stå imot synd og freisting, legge av alle synder ved krafta frå Jesu død, og aldri slepper Jesus or hjarto våre, til dess me ser han åsyn til åsyn i det evige liv. Det bed me alle i vår Herre Jesu namn. Amen.

FASTEKOLLEKTEN,
HØGMESSA AV 1920/1983.

Bededagskollekten.

Allmektige, evige Gud! Du har lova borna dine, at om syndene deira var raude som blod, så skal dei verta kvite som snø, og dersom dei vil lyda deg, så skal dei metkast med velsigning. Vi bed deg, nådige

Far, gjev oss din Heilage Ande, så me kan leggja av det vonde og gjera det gode. Lat ikkje din rettferdige vrede koma over oss, men frels oss frå all naud og fære, og gjev at me kann bruka dine gåver og velgjerningar til lov og æra for deg, ved din kjære Son, Jesus Kristus, vår Herre! Amen.

BEDEDAGSKOLLEKTEN,
ALTARBOKA 1920.

Andre kollektar:

For dei som ferdast og arbeider på havet. Stella Maris.

Evige, allmektige Gud! Du som stiller stormen og bryt deg veg gjennom bølgiene, vi bed deg, sjå i nåde til dei som ferdast og arbeider på havet og frels dei ut or alle fårar og freistingar på sjø og land med dine heilage englar. Styr dei på livsferda i storm og i stilla med ljuset frå morgonstjerna Kristus, og lat ditt sæle evangelium om frelsa frå synd, død, djevel og vona om evig liv lysa for dei kvar dei fer, og leia dei til havsens stjerna, trua si trygge hamn, som er kyrkja, vår mor. Drag hjarto deira til heimen her på jorda og til den evige heimen i himmelen, der du av din store nåde vil samla oss alle når alle stormar stilnar og vår siste strid er slutt, for Jesu Kristi vår Herre skuld! Amen.

ETTER ”FOR SJØFOLK OG FISKARAR.”
ALTARBOKA 1920.

For lagleg vér.

Herre Gud, Far i himmelen! Du som er god og miskunnsam og har lova å høyra oss når vi kallar på deg i vår naud, me bed deg, sjå ikkje på syndene våre, men på vår store trong og på di store miskunn, og gje oss av nåde godt og lagleg vér til arbeidet vårt. Lat ikkje uår og dyrtid koma over landet vårt, men vara grøda på marka, og velsigna vårt arbeid og vår ferd på land, sjø og i lufta, og gje oss dagleg brød, og kjenna at du er vår nådige Gud og Far, bruka gåvene dine rett, og takka deg for alle dine velgjerningar, ved Jesus Kristus, din Son, vår Herre! Amen.

For fred.

Anten

Allmektige, evige Gud! Du som einast kan frelsa folka frå syndene deira og gje dei fred, vi bed deg, sjå ikkje på vår utakksemd og havesykja, vår hug til å vera dei største sjølv, og alle andre synder som valdar ufred og strid, men tilgjev oss og frels oss frå dei i nåde! Gjev fred på jorda, og hjelp di kyrkja til å arbeida for fred mellom folka! Verna folket vårt og heimane våre mot krig og usemje. Og lat oss få bu og byggja fritt og fredeleg i vårt kjære fedreland Norge som du har gjeve oss, så me må tena deg med truskap og vera til velsigning for kvarandre, ved din kjære Son, Jesus Kristus, vår Herre! Amen.

UM FRED,
ALTARBOKA 1920.

Eller


Allmektige, evige Gud! Du som er kjelda til all åndeleg og timeleg fred. Vi bed deg audmjukt at du av din godleik vil gje oss den freden som verda ikkje kan gje, så me kan leva etter dine bod og i otte for deg og verta frelste frå alle redslar og færer, ved Jesus Kristus, din kjære Son, vår Herre! Amen.

UM FRED II,
ALTARBOKA 1920.

Eller

Allmektige, evige Gud! Du som kan leia og bøya menneskehjarto, vi bed deg: Hjelp og styrk alle dei som i dag har det store ansvaret for freden i verda. Tak i di mektige hand dei som leder nasjonane, vend hjarto deira til deg, og gje dei kraft i striden mot alt som vil forføra oss til det som vondt er. Gjev fred på jorda, og hjelp di kyrkje til å fremja freden mellom folka. Verna folket vårt og heimane våre mot krig og usemje. Og lat oss få bu og byggja fritt og fredeleg i vårt kjære fedreland Norge som du har gjeve oss. Hjelp oss at me må tena deg med truskap og stå fast i striden mot det vonde saman med alle folk på jorda, ved din kjære Son, Jesus Kristus, vår Herre! Amen.

NY KOLLEKT FOR FRED AV 1949. RUBRIKKANE TIL DEI TRE FREDSBØNENE I ALTARBOKA 1920 MÅ KUNNE SAMLAST SLIK: DESSE KOLLEKTANE KAN EIN BRUKA I STADEN FOR(KOLLEKTEN FOR ORDET)FASTEKOLLEKTEN VED VANLEGE GUDSTENESTER NÅR DET ER GRUNN TIL DET. EIN KAN OG BE DENNE BØNA FRÅ PREIKESTOLEN...ETTER DET VESLE GLORIA. PRESTEN KAN SEIA TIL INNLEING: LAT OSS BE KYRKJA SI FREDSBØN.



Soknepresten i Øygarden
Postboks 100,
5331 Rong
TLF: 56 38 22 44 Mobil: 950 67890
svennam@hotmail.com

Herren er konge!
Jorda skal jubla,
øyar og strender ... ventar på hans lære.
(Sal.97,1+Jes.42,4)